

Strategia d'interpresa e da purschida 2023–2024

La SSR vul segirar sia relaziun cun la societad en Svizra en in mund medial global e digital che sa mida d'in cuntin. La SSR unescha era la populaziun. Perquai sa basa sia strategia sin trais pitgas:

Purschida	Relaziuns	Resursas
 <p>Pli differenziada qualitad, relevanza ed independenza en nosa entira purschida – service public cunter fake news</p>	 <p>Coesiun eveniments communabels che uneschan la populaziun</p>	 <p>Cultura da manaschi diversidad, inclusiun e protecciun da l'integritad persunala</p>
 <p>Rinforzar il diever digital interpresa da service public transmediala cun cuntregns da gronda impurtanza ed ina plivalur sociala en sia purschida digitala</p>	 <p>Avertadad ina tenuta averta e transparenta en il dialog cun la societad svizra</p>	 <p>Organisaziun pli effizienta agilitad da business, effizienz ed economisaziun dals meds</p>
 <p>La Svizra en il focus dapli cooperaziuns interregionalas e producciuns originalas svizras</p>	 <p>Partenadi partenadis en il senn da l'ecosistem medial svizzer</p>	 <p>Persistenza responsabladad ecologica, sociala ed economica</p>

La SSR, ina «idée suisse»

Decidida dal cussegl d'administraziun SSR ils 27 da zercladur 2022.

Purschida

- 1. Pli differenziada:**
Nus accentuain nossa plivalur e promovain ina societad svizra averta e multifara.



Noss service public pluriling metta en il center il public. Nus persvadain cun qualitad, relevanza ed independenza, tant en l'infurmaziun sco er en la cultura, il sport ed il divertiment. Ils cuntegns da nossa purschida correspundan ad auts standards quai che riguarda l'originalitad ed il storytelling. Uschia pussibilitain nus er la debatta a la societad svizra.

Nus investin en in schurnalissem objectiv, ferm, critic ed independent e rapportain a moda equilibrada. Cun far la differenza tranter infurmaziuns objectivas ed opiniuns e cun porscher dossiers tematics fundads e contextualisants essan nus la pli impurtanta partenaria da la populaziun svizra en il cumbat cunter «fake news». Uschia sustegnain nus la participaziun politica da la populaziun e contribuin ad ina plivalur evidenta per la democrazia svizra.

Er en situaziuns da crisa garantin nus ina infurmaziun adequata per la populaziun.

- 2. Rinforzar il diever digital:**
Grazia a vias da distribuziun multifaras e formats tematics variads cuntanschain nus las differentas gruppas dal public en lur situaziuns dal mintgadi.



Nus ans vesain sco interpresa da service public transmediala che proveda l'entira populaziun. Cun agid da purschidas digitalas cuntanschain nus dapli personas, en spezial quellas che consumeschan adina pli pauc u che na consumeschan insumma nagin radio linear e nagina televisiun lineara. Nossas purschidas digitalas mettan il focus sin audio e video, èn facilas da chattar e disponiblas sin las plattafurmas relevantas. Noss cuntegns èn da gronda impurtanza per ils differentes interess e las differentas furmas da diever. Lur plivalur sociala è visibla e vegn attribuida a nossas marcas d'interpresa.

Las datas da las utilisadras e dals utilisaders tractain nus cun responsabladad.

3. La Svizra en il focus: Nus dain paisa ad in'enragischaziun regiunala da nossa purschida.



Sco interpresa da service public svizra avain nus in'optica svizra sin temas tant naziunals sco internaziunals.

Grazia a nossa enragischaziun regiunala dain nus invista en tratgs cuminaivels e particularitads regiunalas e promovain uschia la percepziun d'ina identitad svizra. Nus faschain atenziun da pledentar e reunir cun nossas purschidas tut ils carstgauns en Svizra cun lur pli differents ambients da viver.

Nus investin dapli en atgnas producziuns svizras, cunzunt en il sector ficziun e films documentars. Nus promovain il barat interregional sin tut ils vecturs ed en tut ils genres.

Relaziuns

4. Coesiun: Nossa purschida da program unescha la populaziun svizra.



Nus stgaffin eveniments communabels per las differentas gruppas da la societad svizra – en il rom da gronds eveniments naziunals, en ils secturs cultura, sport, infurmaziun e divertiment. Uschia contribuin nus activamain a la coesiun.

Pajataxas che na tiran betg a niz nossa purschida renconuschan la legitimitad da nossa purschida.

Nus augmentain la purschida ed eliminain obstachels per umans cun impediments dals senns. Nus gidain a stgaffir ed a mantegnair la memoria audiovisuala da la Svizra.

5. Avertadad: Nus promovain il dialog cun ed en la societad.



Nus ans engaschain ensemen cun l'uniun purtadra per la plivalur sociala dal service public medial. En il dialog cun il public e cun las gruppas socialas relevantas sclerin e discutain nus spetgas e basegns en connex cun il service public medial en il temp digital. Ensemen cun l'uniun purtadra ans barattain nus regularmain cun persunas da diversas realitads da viver. Uschia vegnin nus pli datiers a la societad svizra e meglierain sia chapientscha per e la confidenza en la chasa da medias publica SSR.

6. Partenadi: Nus contribuin essenzialmain a l'ecosistem svizzer: en ils secturs medias, furmaziun e cultura.



Nus tschertgain e tgirain la collavuraziun cun acturas ed acturs en la cuntrada mediala naziunala ed internaziunala sco era cun autras interpresas ed instituziuns da service public. Uschia creain nus ulteriura plivalur per las utilisadras ed ils utilisaders. En ils secturs dal cuntegn e da la distribuziun empruvain nus d'entrar en tut ils partenadis pussaivels ch'èn d'avantatg per omaduas varts.

Nus tgirain la collavuraziun cun acturas ed acturs sco era producentas e producents independents e cun l'industria audiovisuala.

Sin il champ da la perscrutaziun ed innovaziun da medias, da tecnologia e da comunicaziun intensivain nus nossa cooperaziun cun start-ups, universitads e scolas autas.

Resursas

7. Cultura da manaschi:

Sco patruna promovain nus la diversitad ed inclusiun e procurain activamain per la protecziun da l'integritad persunala da tut las collavuraturas e tut ils collavuratur.



Il persunal è nossa pli impurtanta resursa. Nus profitain da ses potenzial e sia savida che nus sviluppain vinavant comunablamain. Cun agid da purschidas da perfecziunament interessantas e sistematicas promovain nus ina cultura d'emprender e sustegnain la mobilitad professiunala. Nus augmentain en general nossa attractivitat per talents e persunas qualifitgadas.

Nus essan ina patruna attractiva per tut ils umans, independentamain da lur realitads da viver. Respect, stima vicendaivla e confidenza considerain nus sco pitga principala da nossa collavuraziun. Nus promovain activamain il barat intern, la trasparenza e la chapientscha vicendaivla da collavuraturas e collavuratur sur tut ils stgalims d'ierarchia.

Nus procurain per diversitad, inclusiun ed egalitad da las schanzas. Nus dain paisa ad ina represchentanza equilibrada da tut ils genders en las differentas posiziuns. Nus essan creativs ed averts per novs models da lavur e sustegnain la cumpatibilitad da professiun e d'obligaziuns privatas tenor pussaivladad cun agid da temps da lavur flexibels.

8. Organisaziun effizienta:

Nus augmentain nossa agilitad da business, meglierain nossa effizienz ed economisain noss meds.



Nus collavurain sin plaun interregional per crear sinergias raschunaivlas ord vista da l'entira interpresa. Entant che cuntegns publicistics vegnan producids regiunalmain, investin nus comunablamain en novas tecnologias e novs process – che vegnan manads sin plaun naziunal, sche quai fa senn.

Nus stgaffin comunablamain las premissas tecnologicas ed organisatoricas per ch'il public possa profitar il pli fitg pussaivel da datas gia existentas e datas novas.

Da cuminanza sviluppain nus novas metodos da producziun, examinain ils standards da nossas investiziuns en il sector da l'infrastructura ed ans concentrain sin models da lavur moderns. Nus concepim noss process da lavur a moda simpla, flexibla e profitabla.

Nus mantegnain ina flexibilitad finanziaria. Noss cashflow pussibilitescha da financiar nossas investiziuns. Grazia a noss agen chapital essan nus preparads per eventualas ristgas.



9. Persistenza: Nus surpigliain nossa responsabilidad ecologica, sociala ed economica.

En nossa rolla sco patruna, producenta da cuntegns medials ed interpresa che procura per baint/servetschs ans drizzain nus tenor ils principis d'ina gestiun responsabla («Corporate Social Responsibility»). En il center stat la persistenza ecologica, sociala ed economica. Nus valitain conscienziusamain ristgas da persistenza e minimain consequenzas negativas sin l'ambient e sin stakeholders socials.